

2011年中医内科辅导：温病的中医治疗 PDF转换可能丢失图片或格式，建议阅读原文

https://www.100test.com/kao_ti2020/655/2021_2022_2011_E5_B9_B4_E4_B8_AD_c22_655579.htm 徐姓媪，年五十九岁，于中秋上旬得温病，带有伏气化热。【病因】从前原居他处，因迁居劳碌，天气燥热，有汗受风，遂得斯病。【证候】晨起，觉周身微发热兼酸懒不舒，过午，陡觉表里大热，且其热浸增。及晚四点钟往视时，见其卧床闭目，精神昏昏。呻吟不止。诊其脉左部沉弦，右部洪实，数近六至。问其未病之前，曾有拂意之事乎？其家人曰诚然，其禀性褊急，恒多忧思，且又易动肝火。欲见其舌苔，大声呼数次，始知启口，视其舌上似无苔而有肿胀之意，问其大便，言素恒干燥。【诊断】其左脉沉弦者，知其肝气郁滞不能条达，是以呻吟不止，此欲借呻吟以舒其气也。其右脉洪实者，知此证必有伏气化热，窜入阳明，不然则外感之温病，半日之间何至若斯之剧也。此当用白虎汤以清阳明之热，而以调气舒肝之药佐之。【处方】生石膏（二两捣细）知母（八钱）生莱菔子（三钱捣碎）青连翘（三钱）甘草（二钱）粳米（四钱）共煎汤两盅，分两次温服。【方解】莱菔子为善化郁气之药。其性善升亦善降，炒用之则降多于升，生用之则升多于降。凡肝气之郁者宜升，是以方中用生者。至于连翘，原具有透表之力，而用于此方之中，不但取其能透表也，其性又善舒肝，凡肝气之郁而不舒者，连翘皆能舒之也。是则连翘一味，既可佐白虎以清温热，更可辅莱菔以开肝气之郁滞。【复诊】将药两次服完，周身得汗，热退十之七八，精神骤然清爽。左脉仍有弦象而不沉，右脉已无洪象而仍似有力，至数之数

亦減。問其心中仍有覺熱之時，且腹中知飢而懶於進食，此則再宜用涼潤滋陰之品清其熱。【處方】玄參（一兩）沙參（五錢）生杭芍（四錢）生麥芽（三錢）鮮茅根（四錢）滑石（三錢）甘草（二錢）共煎湯一大盅，溫服。方中用滑石者，欲其熱自小便瀉出也。【效果】將藥連服兩劑，大便通下，其熱全消，能進飲食，脈象亦和平矣。而至數仍有數象，俾再用玄參兩半，潞參三錢，煎服數劑以善其後。 小编推荐：[#0000ff>2011年中医执业医师：中医分期辨治百日咳](#)
[#0000ff>2011年中医内科辅导：腠理形态与功能辨析](#)
[#0000ff>2011年中医内科学执业医师精华笔记 100Test 下载频道开通，各类考试题目直接下载。详细请访问](#)
www.100test.com